



2021 йил “25” март
шаҳри

№ 158/25-6

Бойсун

**Тумандаги “Меҳрибод” маҳалла фуқаролар
йиғини номини “Авлод” номига ўзгартириш тўғрисида**

Ўзбекистон Республикаси Вазирлар Маҳкамасининг 2014 йил 4 мартдаги 48-сон “Шаҳар, посёлкалар, қишлоқлар ва овулларнинг маҳаллаларини тузиш, бирлаштириш, бўлиш ва тугатиш, шунингдек уларнинг чегараларини белгилаш ва ўзгартириш, уларга ном бериш ва уларнинг номини ўзгартириш тартиби тўғрисидаги Низомни тасдиқлаш ҳақида”ги қарори ижросини таъминлаш мақсадида Географик объектларни номлаш ва қайта номлаш масалалари бўйича туман комиссиясининг 2020 йил 24 ноябрдаги 06-01/158-сон “Тумандаги “Меҳрибод” МФЙ номини ўзгартириш тўғрисида”ги ҳамда Географик объектларни номлаш ва қайта номлаш масалалари бўйича вилоят комиссиясининг 2021 йил 9 февралдаги 17-01/42-сон “Географик объектларни номлаш ва қайта номлаш масалалари бўйича Бойсун туманидаги айрим географик объектларни қайта номлаш бўйича Давлат экспертизаси хулосаси ҳақида”ги йиғилиш баёнларини кўриб чиқиб, “Маҳаллий давлат ҳокимияти тўғрисида”ги Ўзбекистон Республикаси Қонунининг 6-моддасига асосан халқ депутатлари туман Кенгаши

ҚАРОР ҚИЛАДИ:

1. Географик объектларни номлаш ва қайта номлаш масалалари бўйича туман комиссиясининг 2020 йил 24 ноябрдаги 06-01/158-сон “Тумандаги “Меҳрибод” МФЙ номини ўзгартириш тўғрисида”ги ҳамда Географик объектларни номлаш ва қайта номлаш масалалари бўйича вилоят комиссиясининг 2021 йил 9 февралдаги 17-01/42-сон “Географик объектларни номлаш ва қайта номлаш масалалари бўйича Бойсун туманидаги айрим географик объектларни қайта номлаш бўйича Давлат экспертизаси хулосаси ҳақида”ги йиғилиш баёнлари маъқуллансин.

2. Тумандаги “Меҳрибод” маҳалла фуқаролар йиғини номи “Авлод” деб ўзгартирилсин.

3. Туман ҳокими ўринбосари (Д.А.Хафизов) уч кун муддатда “Авлод” деб номи ўзгартирилган “Меҳрибод” маҳалла фуқаролар йиғинини қайта рўйхатдан ўтказиш ҳамда муҳр ва тамғаларини алмаштиришни;

ўн кун муддатда ушбу маҳалланинг номини ўзгартириш тўғрисидаги тегишли ҳужжатларни Ўзбекистон Республикаси Давлат солиқ қўмитаси ҳузуридаги кадастр агентлигига давлат реестрига киритиш учун юборишни таъминласин.

4. Туман Ички ишлар бўлими (Д.Қ.Бобоев) бир ой муддатда тумандаги “Меҳрибод” маҳалла фуқаролар йиғини номи “Авлод” деб ўзгариши муносабати билан ушбу маҳаллада доимий рўйхатда турган фуқароларининг фуқаролик паспортларидаги доимий яшаш манзилларига тегишли ўзгартиришлар киритиш вазифаси юклатилсин.

5. Мазкур қарор “Бойсун” газетасида расман эълон қилинсин ва туман ҳокимлигининг расмий веб-сайтига жойлаштирилсин, ушбу қарор расман эълон қилинган кундан бошлаб кучга киради.

6. Ушбу қарорнинг ижросини назорат қилиш халқ депутатлари туман Кенгашининг ижтимоий-маданий ривожланиш масалалари бўйича доимий комиссияси (Б.Баҳовиддинов) ва қонунийликни таъминлаш ва коррупцияга қарши курашиш масалалари бўйича доимий комиссияси (Ф.Н.Турсунқулов) зиммаларига юклатилсин.

Кенгаш раиси



А.Ч.Жўраев